

आकाशवाणी

खास-खास खबरां

- लोकसभा च राश्ट्री गीत वंदे मातरम दी 150मीं ब'रेगंड पर चर्चा। प्रधानमंत्री नरेन्द्र मोदी होरें आखेआ जे वंदे मातरम ओहू शक्ति ऐ जेहड़ी लोकें गी स्वतंत्रता सेनानियें दे सुक्खनें गी साकार करने लेई प्रेरित करदी ऐ।
- प्रधानमंत्री नरेन्द्र मोदी होरें आखेआ ऐ जे साबका प्रधानमंत्री पंडित जवाहर लाल नेहरू होरें राश्ट्री गीत वंदे मातरम् दे मुद्दे पर मुस्लिम लीग दे अगो समर्पण करी दित्ता ह।
- सरकारै अज्ज आखेआ ऐ जे भारत च बहु-आयामी गरीबी जेहड़ी 2013-14 व 29 इशारिया 1-7 फीसद ही, ओहू 2022-23 च घटियै 11 इशारिया 2-8 फीसद पर होई गेई ऐ।
- दिल्ली ब्हाई अड्डा प्रशासन ने दस्सेआ ऐ जे ब्हाई अड्डे पर डुआरिएं दी आओजाई बवस्थित ढंगै सिर जारी ऐ, हालांकि किश डुआरिएं गी रद्द जां उं'दे तय समें च बदलाव कीता जाई सकदा ऐ।
- थाईलैंड ते कंबोडिया दे बन्ने पर तनोतनी बधी गेदी ऐ। सिसाकेट ते उबोन रत्त्वथानी प्रांतें च थाईलैंड दी फौजै अज्ज बडुलै विवाद आहले बन्ने पर ब्हाई हमले कीते।
- मर्दे दी हॉकी च भारत ते दक्खन अफ्रीका बश्कार त्रै मैचें दी श्रृंखला दा दुआ मैच अज्ज रातीं साड्डे 8 बजे शा खेड्डेआ जाहग।

<><><><><><>

PM Vande Mataram

लोकसभा च राष्ट्रीय गीत वंदे मातरम दी 150मीं ब'रेगंड पर चर्चा शुरू होई। राष्ट्रीय गीत, बंकिमचंद्र चटर्जी होरें ब'रे 1875 च लिखेआ हा। चर्चा दी शुरुआत च प्रधानमंत्री नरेन्द्र मोदी होरें आखेआ जे वंदे मातरम दे मंत्र ने समूलचे देशे गी शक्ति ते प्रेरणा दिती ते आजादी दे आंदोलन गी ऊर्जावान बनाया। प्रधानमंत्री होरें आखेआ जे अज्ज वंदे मातरम गी चेत्ता करना, इस सदन दे सबनें सदस्यें ते देशवासियें लेई सौभाग्य दी गल्ल ऐ। श्री मोदी होरें आखेआ जे वंदे मातरम दे 150 ब'रे उस म्हान ध्याऽ ते गौरव गी परतियै स्थापित करने दा मौका ऐ। प्रधानमंत्री होरें आखेआ जे वंदे मातरम ने ब'रे 1947 च आजादी हासल करने च बड़ी महत्वपूर्ण भूमिका निभाई ही। श्री मोदी होरें आखेआ जे वंदे मातरम ओहू शक्ति ऐ जेहड़ी लोकें गी स्वतंत्रता सेनानियें दे सुखनें गी साकार करने लेई प्रेरित करदी ऐ। प्रधानमंत्री होरें आखेआ जे जिसलै वंदे मातरम अपनी 100मीं ब'रेगंड मना करदा हा, तदुं देश एमरजेन्सी करी प्रभावत हा। उ'नें आखेआ जे जिसलै राष्ट्रगीत दा उत्सव पूरे जोश दे कन्नै मनाया जाना चाहिदा हा, उसलै भारती संविधान दा दमन कीता गेआ ते देश पर मरी-मिटने आहलें गी जेलै च डक्की दिता गेआ हा। प्रधानमंत्री मोदी होरें आखेआ जे वंदे मातरम छड़ी राजनीतिक स्वतंत्रता दा मंत्र नेई ऐ, सगुआं एहू भारत गी उपनिवेशवाद दिएं बेड़ियें थमां मुक्त करने दा इक साधन ऐ। उ'नें आखेआ जे वंदे मातरम ने ज्हारें ब'रें थमां भारत च गहराई कन्नै जड़ां जमाइयै बैठे दे इक बचार गी परतियै जींदा कीता ऐ। प्रधानमंत्री होरें आखेआ जे वंदे मातरम गीत, ब'रे 1857 च बरतानिया हकूमत दे जुल्में-ज्यादतिएं दे खलाफ विद्रोह दे बेल्ले लिखेआ गेआ हा। उ'नें आखेआ जे राष्ट्रगीत दे माध्यम कन्नै बंकिम चंद्र चट्टोपाध्याय होरें इस चुनौती दा बड़ी ताकत ते मजबूत संकल्प दे कन्नै जोआब दिता। प्रधानमंत्री मोदी होरें आखेआ जे वंदे मातरम इस म्हान सांस्कृतिक परंपरा दी आधुनिक अभिव्यक्ति ऐ। उ'नें आखेआ जे वंदे मातरम दा लोकें दे कन्नै गैह्रा जुड़ाव आजादी दे आंदोलन

दी ऐतिहासिक जातिरा गी दर्शादा ऐ। श्री मोदी होरें आखेआ जे वंदे मातरम ने आजादी दे आंदोलन गी शक्ति ते दिशा दिती।

<><><><><><>

PM-Nehru

प्रधानमंत्री नरेन्द्र मोदी होरें आखेआ ऐ जे वंदे मातरम दा बरोध करने आहली मुस्लिम लीग दी सियासत 1937 च शुरू होई ही। श्री मोदी होरें वंदे मातरम पर समझौता करने लेई कांग्रेस दी निंदा कीती। उ'ने आरोप लाया जे कांग्रेस ने राश्ट्री गीत दे मुद्दे पर मुस्लिम लीग दे अग्रे समर्पण करी दित्ता ह। प्रधानमंत्री मोदी होरें आखेआ जे मोहम्मद अली जिन्ना ने एहदे खलाफ नारे लाए हे ते साबका कांग्रेस अध्यक्ष जवाहरलाल नेहरू होरें जिन्ना दी निंदा करने दे बजाय, जिन्ना दे बरोध दे 5एं दिनें दे बाद गै वंदे मातरम दी जांच शुरू करी दिती ही। चर्चा च हिस्सा लैदे होई, कांग्रेस सांसद गौरव गोगोई होरें आखेआ जे बंगाल दे केई लखारिएं ते कवियें आजादी दे आंदोलन च नमीं जान पाने आहले गीत लिखे हे। श्री गोगोई होरें आरोप लाया जे प्रधानमंत्री नरेन्द्र मोदी होरें अपने भाषण दे दरान चर्चा गी सियासी रंग देने दी कोशश कीती। लोकसभा अध्यक्ष ओम बिरला होरें आखेआ जे सदन बंकिम चंद्र चट्टोपाध्याय हुंदे आसेआ लिखे गेदे वंदे मातरम गीत पर चर्चा करा'रदा ऐ। उ'ने इब्बी आखेआ जे वंदे मातरम ने अंग्रेजी हुकूमत दे दरान ऊर्जा ते मेद दी इक नमीं लोऽ जगाई ही।

<><><><><><>

Anurag Thakur Vande Mataram

लोकसभा च वंदे मातरम पर प्रधानमंत्री नरेन्द्र मोदी हुंदे भाषण पर बीजेपी सांसद अनुराग ठाकुर होरें आखेआ ऐ जे लोकसभा च प्रधानमंत्री मोदी हुंदे भाषण इक ऐतिहासिक दस्तावेज बनी गेआ ऐ जेहड़ा औने आहली पीढ़ियें गी प्रेरित करग। बीजेपी ने विपक्ष दे नेता राहुल गांधी हुंदे पर त्रिकुवा जबानी हमला कीता। बीजेपी नेता मनोज तिवारी होरें आखेआ जे प्रधानमंत्री हुंदे लोकसभा च वंदे

मातरम पर चर्चा शुरू करने दे बेल्ले राहुल गांधी सदन च मजूद नेई हे। संसद दे बाहर आकाशवाणी समाचार कन्नै गल्लबात च श्री तिवारी होरें आखेआ जे एहू बड़ी महत्वपूर्ण चर्चा ऐ कीजे वंदे मातरम भारत दी एकता ते ओहदी संस्कृति दा प्रतीक ऐ। संसद दे बाहर पत्रकारें कन्नै गल्लबात च बीजेपी सांसद संबित पात्रा होरें आखेआ जे अज्ज वंदे मातरम पर अपने भाषण दे राहें प्रधानमंत्री नरेंद्र मोदी होरें वंदे मातरम दे प्रति कांग्रेस पार्टी दे धोखे गी बेनकाब कीता ऐ।

<><><><><><>

Poverty

सरकारै अज्ज आखेआ ऐ जे भारत च बहु-आयामी गरीबी जेहड़ी 2013-14 च 29 इशारिया 1-7 फीसद ही, ओहू 2022-23 च घटियै 11 इशारिया 2-8 फीसद पर होई गेई ऐ। लोकसभा च सोआलें आहले समें दे दरान इक सोआला दा परता दिंदे होई खजाना राज्यमंत्री पंकज चौधरी होरें दस्सेआ ऐ जे इस अवधि दे दरान तकरीबन 24 करोड़ 80 लक्ख लोकें गी गरीबी चा बाह्र आहन्नेआ गेआ ऐ। अंतर्राष्ट्री स्तर पर गरीबी रेखा बारै विश्व बैंक दी रिपोर्ट दा हवाला दिंदे होई मंत्री होरें आखेआ जे भारत च बड़ी भारी गरीबी दी दर जेहड़ी 2011-12 च 27 इशारिया 1-2 फीसद ही, ओहू 2022-23 च घटियै 5 इशारिया 2-5 फीसद होई गेदी ऐ।

<><><><><><>

Arjun Ram Meghwal

कनून ते न्याऽ मंत्री अर्जुन राम मेघवाल होरें आखेआ ऐ जे पिच्छले 11एं बरें दरान नरेन्द्र मोदी सरकार दिएं नीतियें करी समाजी न्याऽ दी मूल भावना हुन ज़मीनी स्तर पर स्पष्ट रूप कन्नै नजरी आवा करदी ऐ। नमीं दिल्ली च इक संवाददाता सम्मेलन च मुद्रा योजना बारै बोलदे होई श्री मेघवाल होरें आखेआ जे इस योजना ने नागरिकें गी आर्थिक रूप कन्नै मजबूत बनाया ऐ। उ'नें आखेआ जे एहदे'नै 25 करोड़ लोक गरीबी रेखा थमां बाहर आए न। श्री मेघवाल होरें आखेआ जे सरकार कच्चे घरें

गी पक्के घरें च तब्दील करा'रदी ऐ ते हर घरै च बिजली दे कनेक्शन ते शौचालय उपलब्ध कराए जा करदे ना।

<><><><><><>

Civil Aviation Security

शैही हवाबाजी सरबन्धी मैहकमे दे केन्द्री मंत्री के.राममोहन नायडू होरें आखेआ ऐ जे विमानन सुरक्षा कन्नै कोई समझौता नेई कीता जाई सकदा ऐ। उ'नें आखेआ जे एहू सरकार दी सबनें शा उच्चि प्राथमिकता ऐ। डुआरी सरबन्धी ज्यूटी दी समें सीमा कन्नै सरबन्धत दिशा-निर्देशें कन्नै जुड़े दे इक पूरक सोआलै दे परते च, श्री नायडू होरें राज्यसभा गी दस्सेआ जे सरकार केई डुआरिएं दे रद्द होने दी स्थिति दी जांच करा'रदी ऐ। उ'नें आखेआ जे सरकार इस स्थिति पर गंभीरता कन्नै ध्यान देआ करदी ऐ ते इस मामले च सख्त कार्रवाई कीती जाह्ग। श्री नायडू होरें आखेआ जेगर विमानन खेत्तर च कम्म करा'रदा कोई बी व्यक्ति यां संगठन इ'नें दिशा-निर्देशें दी पालमा नेई करदा तां उ'दे पर सख्त कार्रवाई कीती जाह्ग। श्री नायडू होरें आखेआ जे मंत्रालय ने पैहली दिसंबर गी इ'नें दिशा-निर्देशें पर इंडियो दे कन्नै इक बैठक बी कीती ही।

<><><><><><>

Digital Loan Apps

सरकार ने आखेआ ऐ जे ओहू देशै च अनाधिकृत डिजिटल लोन ऐप्स दे संचालन पर रोक लाने लेई रिज़र्व बैंक ते होरनें सरबन्धत नियामकें ते हितधारकें कन्नै लगातार गल्लबात करा'रदी ऐ। लोकसभा च वित्त मंत्री निर्मला सीतारामन होरें आखेआ ऐ जे रिज़र्व बैंक ने इस ब'रे पैहली जुलाई थमां सार्वजनिक जानकारी लेई अपनी वेबसाइट पर डिजिटल लेंडिंग ऐप्स-डीएलए दी इक डायरेक्टरी शुरू कीती ऐ। उ'नें आखेआ जे इस डायरेक्टरी च बैंक दी रेगुलेटेड संस्थाएं आसेआ इस्तेमाल कीते जाने आहले सबबै डीएलए शामिल ना। सीतारामन होरें आखेआ जे इस डायरेक्टरी दे माध्यम कन्नै गाहक इस

गल्लै दी तसदीक करी सकडन जे कोई डीएलए कुसै रेगुलेटेड संस्था कन्नै जुड़े दा ऐ जां नेई। उ'नें आखेआ जे अनाधिकृत डिजिटल लोन ऐप्स दी पन्ध्यान होने पर इलेक्ट्रॉनिक्स ते सूचना प्रौद्योगिकी मंत्रालय गी सूचना प्रौद्योगिकी कानून, 2000 दी दफा 69ए दे तैहत सार्वजनिक पुज्ज लेई जानकारी गी ब्लॉक करने दे निर्देश जारी करने दा अधिकार ऐ। वित्त मंत्री होरें आखेआ जे सरकार ते रिजर्व बैंक, लोकें गी अनाधिकृत लोन ऐप्स आसेआ शोषण थमां बचाने लेई समें-समें पर बक्ख-बक्ख पैहलकदमियां करा'रदे ना।

<><><><><><>

Mkt Intervention Scheme

कृषि ते किसान कल्याण मंत्री शिवराज सिंह चौहान होरें आखेआ जे सरकारै बज़ारी दखल आहली योजना दे तैहत करसानें गी उ'दी उपज दा उचित मुल्ल जकीनी बनाने लेई इक प्रावधान शुरू कीता ऐ। नमीं दिल्ली च अज्ज कृषि बवसाय शिखर सम्मेलन गी संबोधित करदे होई श्री चौहान होरें आखेआ जे बागवानी फसलें लेई, जेगर दर इक तय सीमा थमां हेठ औंदी ऐ, तां सरकार मॉडल दर ते बिक्री मुल्ल दे बश्कार दे फर्क गी सिद्धे करसानें दे खाते च जमा करगा।

<><><><><><>

PM Ujjawala Yojana

पेट्रोलियम ते कुदरती गैसें सरबन्धी मैहकमे केन्द्री राज्यमंत्री सुरेश गोपी होरें आखेआ ऐ जे पूरे देशै च प्रधानमंत्री उज्ज्वला योजना दे लाभार्थियों गी तकरीबन 10 करोड़ 33 लक्ख मुफ्त एलपीजी कनेक्शन दित्ते गेदे ना। राज्यसभा च आज श्री गोपी होरें दससेआ जे एहू योजना बश्चे 2016 च गरीब महिलाएं गी बिजन जमा राशि दे एलपीजी कनेक्शन देने आस्तै शुरू कीती गेई ही। उश्नें आखेआ जे सरकार ने हाल च गै बश्चे 2025.26 दे दरान 25 लक्ख बाद्दू एलपीजी कनेक्शन जारी करने गी मंजूरी दित्ती

ऐ। श्री गोपी होरें गलाया जे इस योजना कन्नै रूट्टी पकाने दे पारंपरिक तरीकें च बदलाव आया ऐए जिंशदे च लकड़ीए गोहे ते फसलें दे अवशेषें ज्नेह ईधन दा इस्तेमाल शामिल ऐ।

<><><><><><>

Delhi Airport

दिल्ली ब्हाई अड्डा प्रशासन ने दस्सेआ ऐ जे ब्हाई अड्डे पर डुआरिएं दी आओजाई बवस्थित ढंग्गै सिर जारी ऐ, हालांकि किश डुआरिएं गी रद्द जां उंदे तय समें च बदलाव कीता जाई सकदा ऐ। अज्ज जारी इक इत्तलाह च, ब्हाई अड्डा प्रशासन ने आखेआ ऐ जे कर्मचारी, रूकावटें गी घट्ट करने ते यात्रियें दी सुविधाजनक जात्तरा जकीनी बनाने लेई पूरी-पूरी कोशश करा'रदे न। यात्रियें गी सरबंधत विमानन कंपनियें थमां अपनी डुआरी दी स्थिति दे बारे च ताजा जानकारी लैने दी सलाह दिती गई ऐ। सलाह च आखेआ गेआ ऐ जे ब्हाई अड्डे तगर ते ब्हाई अड्डे थमां मेट्रो सेवाएं, बसें ते टैक्सी ज्नेह केई सार्वजनिक ट्रांसपोर्ट दे विकल्प उपलब्ध न।

<><><><><><>

Monority

अल्पसंख्यक मामलें दे राज्य मंत्री जॉर्ज कुरियन होरें राज्यसभा च आखेआ जे सरकार सिख समुदाय समेत अल्पसंख्यक समुदायें दे कल्याण आस्तै कई योजनां लागू करा'रदी ऐ। पूरक प्रश्न दे उत्तर च श्री कुरियन होरें आखेआ जे अल्पसंख्यक मामलें दे मंत्रालय आसेआ प्रधानमंत्री जन विकास कार्यक्रम चलाया जा'रदा ऐ। एहदा मकसद अल्पसंख्यकें कन्नै सरबंधत क्षेत्रें च शिक्षाए स्वास्थ्यए कौशल ते महिला सशक्तिकरण दा विकास करना ऐ। उनें गलाया जे इनें योजनाएं तैह्त्त 11 थमां बद्द बुनियादी ढाँचे दी संपत्तियें गी मंजूरी दिती गई ऐ ते करीब 9 लक्ख इकाइयाँ पूरी होई चुकी दियां न। इंदी कुल लागत करीब 26 ज्हार 237 करोड़ रपे ऐ। राज्य मंत्री जॉर्ज कुरियन होरें गलाया जे मंत्रालय आसेआ

प्रधानमंत्री विकास योजना गी बी अमल च आंदा जा'रदा ऐ जेदे च 5 पैहलकी योजनाएँ 'ई मंजिलश 'ई रोशनीश' 'हमारी धरोहर' ते 'उस्ताद' शामिल ना। उनें आखेआ जे एह योजनां युवाएं गी प्रशिक्षित करने ते उद्यमिता गी बढ़ावा देने पर केंद्रित ना।

<><><><><><>

Thailand

थाईलैंड ते कंबोडिया दे बन्ने पर तनोतनी बधी गेदी ऐ। सिसाकेट ते उबोन रत्तथानी प्रांतें च थाईलैंड दी फौजै अज्ज बड्डुलै विवाद आहले बन्ने पर ब्हाई हमले कीते। थाईलैंड दी फौज ने दस्सेआ ऐ जे कंबोडिया दे सैनिकें गोलीबारी कीती। जवाबी हमले च थाईलैंड दे इक नागरिक दी मौत होई गेई ते केई होरने घाऽल होई गे। थाईलैंड ने आखेआ जे ओहदे ज्हाजें फौजी ठिकानें गी निशाना बनाया। तोआई, कंबोडिया ने एहदा खंडन करदे होई आखेआ ऐ जे थाईलैंड दी सेना ने प्रीह विहियर ते ओद्दर मीनचे च टकराव शुरू कीता। एह घटनां जुलाई च होई दिएं हिंसक झड़प्फें दे बाद होई ऐ, जेहदे च 48 लोक मारे गे हे ते 3 लक्ख लोग बेघर होई गे हे। अमरीका दे राष्ट्रपति डॉनल्ड ट्रम्प ते मलेशिया दे प्रधानमंत्री अनवर इब्राहिम हुं'दी पैंची च होए दे युद्धविराम समझौते दे बाद एह संघर्ष खत्म होआ ह। थाईलैंड ते कंबोडिया बश्कार लम्मे समें थमां 817 किलोमीटर लम्मे बन्ने दे किश हिस्सें गी लेइयै विवाद ऐ।

<><><><><><>

PIB Fact Check

सरकार ने केंद्र सरकार दे महिलाएं गी मुफ्त स्कूटी देने दा दावा करने आहले इक वीडियो दा खंडन कीता ऐ। पत्र सूचना ब्यूरो- पीआईबी दी तथ्यें दी जांच आहली इकाई ने दस्सेआ ऐ जे एह दावा फ़र्ज़ी ऐ। इकाई ने दस्सेआ ऐ जे सरकारै ऐसी कोई योजना शुरू नेई कीती ऐ। नागरिकें गी कुसै बी जानकारी लेई छड़े अधिकारिक स्रोतें पर गै भरोसा करने दी गुजारिश कीती गेई ऐ।

<><><><><><>

Hockey

मर्दे दी हॉकी च भारत ने कल रातीं केप टाउन च त्रै मैचें दी श्रृंखला दे पैहले मैच च मेज़बान दक्खन अफ्रीका गी 5-2 कन्नै हराई दित्ता जेह्दे मगरा भारत दा दुआ मैच अज्ज रातीं साङ्गे 8 बजे केप टाउन दे हार्टले-वाले स्टेडियम च खेड्ढेआ जाह्ग। भारती टीम दा दक्खन अफ्रीका दा दौरा इस ब'रे दी एह अखरीली अंतरराष्ट्रीय श्रृंखला ऐ। भारत ऐल्लै दुनिया च 7मीं थाहै पर ऐ जिसलै के दक्खन अफ्रीका 12में नम्बरै पर ऐ।

<><><><><><>